

Giovanni Fiori
 BISOS E PENSAMENTOS
 2° premio (Logudorese)

In s'ultim'orizu
 de su chelu mùrinu
 chighiristas de fogu
 allùmmana sa chima 'e sas olias.
 Chijinattas umbras s'incascana
 subra sos nòdidos montes luntanos,
 sos siccos baddijos cavaccana
 de innida tristesa ammajàda:
 primmadiu incominzu
 de s'interighinada.

Eàlla s'ischina sabia 'e babbu
 ingrusciàda
 isarghende su trigu aupadu:
 saliosa prommissa
 de pienas incunzas fidadas.

In sa pischina 'e sas nadas
 boidos inzomadores iscabados
 sighin a tesser binchizas de frina:
 chena madrighe non pesat su pane
 e cheret fache allutta sa faddija!

Temporadas de lughe 'ajana
 m'illùinan s'anima
 e iscùttinan sas naes de su coro:
 sincheros fruttos che abba 'e funtana
 falan subra sa 'irde coltina.

E giutto in ojos a tie
 terra ch'in dossu ti frien
 istocadas salidas.
 A boltas mi paret chi tue hapas tentu
 a mastra 'e partu
 sas dies umbrosas e mudas ancora
 de fieros nuraghes dirruttos.

Ma si appenas sas nues allenan
 sas nieddas timidias giannas insoro
 che crabolu in sos aidos ruppo
 imbreagu de isteddos rebelles
 e cun atza ladina su sole trobeo.
 Boghes de chertu e suore mi giamana...!

Sa luna che tacca 'e sambene
 pendet in punta 'e s'elighe mannu.

VISIONI E PENSIERI

Nell'ultimo lembo di cielo all'imbrunire creste infuocate accendono
 la cima degli ulivi. Ombre grige s'addensano sopra i lontani monti
 familiari e coprono le colline di schietta tristezza ammutolita: pre-
 maturato preludio al crepuscolo.

Ecco la saggia schiena paterna piegata sulla terra mentre monda il
 frumento rigoglioso: pregnante promessa di sicuri raccolti copiosi.
 Nella palude delle parole fatui mestatori senza ideali s'affannano
 a intrecciare vincigli di vento: ma senza lievito non fermenta il
 buon pane e il focolare chiede bagliori di fiamma.

Tempeste di giovane luce m'abbagliano l'anima e scuotono i rami
 del cuore: integri frutti come acqua di fonte cadono sul verde tap-
 peto dell'albero.

E ho te negli occhi, terra nel cui corpo bruciano ferite di sale. A
 volte parmi sentire che tu abbia avuto per levatrice la storia tuttora
 muta e misteriosa di fieri nuraghi distrutti dal tempo.

Ma se soltanto un tenue spiraglio le temute nubi nere apriranno,
agile come un capriolo tra i loro varchi io passerò ebbro di stelle
ribelli, e con limpida audacia legherò il sole. Mi chiamano voci di
lotta e di lavoro!

La luna macchia sanguigna è appesa alla cima della grande quercia.